



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10) i člana 64 Poslovnika o radu Skupštine Brčko distrikta BiH – prečišćeni tekst (Službeni glasnik Brčko distrikta BiH, broj 54/18), Skupština Brčko distrikta BiH, na 47. redovnoj sjednici održanoj 24. aprila 2019. godine, donosi

**ODLUKU O UTVRĐIVANJU OBAVEZA ORGANA JAVNE UPRAVE, INSTITUCIJA,
JAVNIH PREDUZEĆA, USTANOVA I FONDOVA BRČKO DISTRIKTA BiH U POGLEDU
USKLADIVANJA PROPISA**

Član 1

Zadužuje se Vlada Brčko distrikta BiH da usvoji metodologiju izrade sistematizacije radnih mjesta u organima javne uprave, koja će obuhvatiti definisanje svih procesa u odjeljenjima kroz utvrđivanje mape procesa, procjenu rizika, utvrđivanje radnih mjesta po procesima te analitičku procjenu radnih mjesta s aspekta ovlaštenja, odgovornosti, složenosti poslova, uslova rada kao i razvrstavanje istih u platne razrede i podrazrede iz Zakona o platama i naknadama u organima javne uprave i institucija Brčko distrikta BiH.

Član 2

Zadužuje se Policija Brčko distrikta BiH, Pravosuđe Brčko distrikta BiH, te Stručna služba Skupštine Brčko distrikta BiH da donesu Metodologiju kojom će se izvršiti analitička procjena radnih mjesta i razvrstavanje istih u platne razrede i podrazrede iz zakona o platama, svako iz svoje nadležnosti.

Član 3

Nakon izvršene analitičke procjene iz članova 1 i 2 ove odluke, te razvrstavanja radnih mjesta u platne razrede i podrazrede, Vlada i institucije iz člana 2 ove odluke, će predložiti izmjene i dopune Zakona o platama, svako iz svoje nadležnosti.

Član 4

- (1) Zadužuje se upravni odbor i menadžmenti javnih preduzeća, ustanova, fondova da u roku od 60 dana izvrše usklađivanje svojih akata u dijelu koji se odnosi na minuli rad, tako da iznos minulog rada iznosi 0.30 %.
- (2) Zadužuje se Pravosuđe Brčko distrikta BiH i Pravobranilaštvo Brčko distrikta BiH da izvrše usklađivanje akata koji se odnose na minuli rad, a sve s ciljem ujednačavanja s propisima koji regulišu iznos minulog rada u ostalim institucijama.

Član 5

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-604/19

Brčko, 24. 4. 2019. godine

PREDSJEDNIK
SKUPŠTINE BRČKO DISTRIKTA BiH
Esed Kadrić

Dostavljeno:

- 1) Predsjedniku
- 2) Dopredsjedniku
- 3) Gradonačelniku
- 4) Policiji Brčko distrikta BiH
- 5) Pravosudnoj komisiji Brčko distrikta BiH
- 6) Pravobranilaštvu Brčko distrikta BiH
- 7) JZU „Zdravstveni centar Brčko“
- 8) Fondu zdravstvenog osiguranja Brčko distrikta BiH
- 9) JP „Putevi Brčko“
- 10) JP „Komunalno Brčko“
- 11) JP „Radio Brčko“
- 12) JP „Luka Brčko“
- 13) Razvojno-garantnom fondu Brčko distrikta BiH
- 14) Zavodu za zapošljavanje Brčko distrikta BiH
- 15) Sektoru za opće poslove i strateško planiranje
- 16) Arhivi